

Öise Lade 4-2013, p. 62

Dapi nossas ultimas vacanzas en l'Italia hai jau definitivamain ina nova tratga preferida. Cunquai che jau hai gia scrit nua che nus essan stads sminais vus forsa era gia ch'i sa tracta natiralmain da pasta. Tge fissan vacanzas en l'Italia senza ir la saira en in restaurant, seser sin terrassa, tadlar ils musicants che van per las vias cun lur ghitarras e giudair ina deliziusa tschaina? Per mai fissan quai mo mesas vacanzas. Quai avain nus pia era fatg la stad passada. Cun studegiar la carta da menu hai jau alura chattà insatge che jau hai fitg gugent, ma che jau n'aveva gia dapi daditg betg pli mangià: tagliatelle al salmone. Tge daletg!



In zic Italia
en mia
cuschina

Deplorablmain van era las pli bellas vacanzas a fin e nus essan turnads a chasa. Enavos en Svizra sun jau bainbaud ma messa davos la platta per mezza cuschinar la pasta cun salmun. Jau hai brassà in pau tschagula ed il salmun, hai cundì il pesch, mess tiers in zic suc da citrona e per finir derschì groma en la chazzetta da brassar e laschè trair tut ina fin duas minutas. Mmmh tge prima gentar che quai e stà e quai inclusiv il sentiment d'esser insanua en l'Italia en vacanzas. Il meglier vi da questa tratga è ch'ella è preparada uschè spert. Uschia hai jau adina puspè peda da far (almain culinari-camain) vacanzas curtas en l'Italia.

A handwritten signature in black ink that reads 'Marina Wyss'.

Marina Wyss